

1. Javna ustanova GIMNAZIJA OBALA Sarajevo, ul. Obala Kulina bana broj 3. (u daljem tekstu: Ugovorni organ) koju zastupa direktor Benjamin Hedžić, prof. i
2. „ASA OSIGURANJE“ d.d. Sarajevo iz Sarajeva ulica Trg međunarodnog prijateljstva broj 25 (u daljem tekstu: Dobavljač), koga zastupa DIREKTOR ADNAN HODŽIĆ zaključuju

UGOVOR o osiguranju učenika

PREDMET UGOVORA

Član 1.

Predmet ovog ugovora je osiguranje učenika od posljedica nesretnog slučaja (NEZGODE), u skladu sa pozivom Ugovornog organa broj: 01-3169/18 od 27.9.2018. g. i ponude Dobavljača broj: 3189/18 od 1.10.2018. g., koje čine sastavni dio ovog Ugovora. Ugovorne strane potpisuće policu osiguranja lica- učenika od posljedica nesrećnog slučaja, koja će činiti sastavni dio ovog Ugovora.

MJERODAVNI USLOVI OSIGURANJA

Član 2.

Ugovornom organu se uz ovaj ugovor uručuju:

1. Opći uslovi za osiguranje osoba od posljedica nesretnog slučaja (nezgode).
2. Dopunski uslovi za kolektivno osiguranje učenika od posljedica nesretnog slučaja (nezgode).

TRAJANJE OSIGURANJA

Član 3.

Ugovor se zaključuje na period od 12 mjeseci, pri čemu police osiguranja moraju pokriti period od 1.9.2018. godine do 31.8.2019. godine. Dobavljač je dužan da popuni, ovjeri pečatom i potpiše ugovor, čime potvrđuje da prihvata sve njegove elemente.

Osiguranje učenika obuhvata slijedeće osigurane rizike i iznose osiguranih suma po učeniku:

- | | | |
|--|---|--------------|
| 1. Smrt usljed bolesti | - | 1.836,00 KM |
| 2. Smrt usljed nezgode | - | 3.672,00 KM |
| 3. Trajna invalidnost | - | 10.465,00 KM |
| 4. Troškovi liječenja | - | 612,00 KM |
| 5. Dnevna naknada za boravak u bolnici(bolnički dan) | - | 3,00 KM |

Član 4.

Ugovorni organ je dužan da pri zaključenju ovog Ugovora dostavi spisak osiguranika-učenika. Usaglašavanje spiska učenika vršiće se prema potrebi. Sve izmjene i dopune u spisku osiguranika Ugovorni organ će dostavljati pismenim putem (poštom ili faxom).

U slučaju da Ugovorni organ pravovremeno ne dostavi spisak učenika - osiguranika, kao dokaz o tome da je osiguranik bio učenik kod Ugovornog organa u vrijeme nastanka osiguranog slučaja Dobavljač će prihvatiti kao validan dokument spisak učenika, potvrđen od strane Ugovornog organa.

Dobavljač ima pravo, ako za to bude imao potrebu, vršiti uvid u evidenciju iz koje se može utvrditi brojno stanje učenika, kao i visinu obračunate i uplaćene premije osiguranja.

Konačan obračun premije izvršiće se prema odredbama Dopunskih uslova kolektivnog osiguranja učenika najkasnije 30 dana po isteku godine osiguranja, a prema prosječnom broju učenika.

PREMIJA OSIGURANJA

Član 5.

Premija osiguranja se obračunava na osnovu premijske stope i važeće tarife Dobavljača i po osiguraniku – učeniku iznosi 5,00 KM godišnje.

Premija osiguranja se plaća u roku od 7 dana od dana ispostavljanja fakture od strane Dobavljača putem JRT Kantona Sarajevo.

Član 6.

Dobavljač se obavezuje da će u skladu sa odredbama Uslova za osiguranje isplatiti naknadu iz osiguranja, u visini:

- osigurane sume za slučaj smrti usljed nezgode ukoliko je usljed nezgode nastupila smrt osiguranika;

- osigurane sume ukoliko je usljed bolesti nastupila smrt osiguranika;
- osigurane sume za slučaj invaliditeta ukoliko je usljed nezgode nastupio potpuni (100%) invaliditet osiguranika;
- postotak osigurane sume za slučaj invaliditeta koji odgovara postotku djelimičnog invaliditeta (Tabela za određivanje postotka trajnog gubitka opšte radne sposobnosti - invaliditeta);
- dnevne naknade za boravak u bolnici, ukoliko je usljed nesretnog slučaja nastupila privremena spriječenost osiguranika;
- naknade troškova liječenja maksimalno do ugovorenog iznosa, ukoliko je usljed nesretnog slučaja (nezgode) bila neophodna ljekarska pomoć i ako je usljed toga imao troškove liječenja.

ISPLATA NAKNADE

Član 7.

Kada se dogodi osigurani slučaj, Dobavljač je dužan isplatiti naknadu odmah nakon završenog liječenja i kompletiranja dokumentacije, a krajni rok ne može biti duži od 30 dana.

ZARAČUNAVANJE KAMATA

Član 8.

Ugovorni organ će račune ovjerene od strane Dobavljača za usluge osiguranja plaćati posredstvom Jedinственог računa Trezora budžetskih institucija FBiH, putem Federalnog ministarstva finansija (Trezor), u roku od 7 dana po prijemu fakture, a sve u skladu sa ponudom.

Dobavljač je saglasan da Ugovornom organu neće zaračunavati kamate za zakašnjenje prilikom plaćanja preko Trezora, ako je Ugovorni organ u ugovorenom roku predao nalog za plaćanje Trezoru FBiH.

ZAVRŠNE ODREBE

Član 9.

Svaka strana može raskinuti ovaj ugovor u slučaju neizvršavanja ugovornih obaveza druge strane.

Ugovorna strana koja je skrivila raskid ugovora, dužna je da nadokandi svu štetu drugoj ugovornoj strani.

Član 10.

Za sve što nije predviđeno ovim ugovorom primjenjuju se odredbe Zakona o osiguranju imovine i lica.

U slučaju spora nadležan je sud u Sarajevu.

Član 11.

Ugovor stupa na snagu danom potpisivanja obje ugovorne strane, a primjenjuje se počev od 1.9.2018. godine do 31.8.2019. godine.

Obaveze koje dospijevaju u 2018. godini biće realizovane najviše do iznosa sredstava koja će im za tu namjenu biti odobrena u toj godini.

Član 12.

Sastavni dio ovog ugovora čine:

- Polica osiguranja;
- Spisak učenika - osiguranika;
- Opšti uslovi osiguranja lica od posljedica nesretnog slučaja (nezgode);
- Dopunski uslovi za kolektivno osiguranje učenika od posljedice nesretnog slučaja.

Član 13.

Ovaj ugovor je sačinjen u 4 (četiri) istovjetna primjerka, od kojih za svaku stranu po 2 (dva).

Za Dobavljača



Broj: 1-20328/18
Sarajevo, 16.10.2018. godine

Za Ugovorni organ



Broj: 01-3228/18
Sarajevo, 2.10.2018. godine